



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE CHRISTO CAPITE|| TOTIVS ECCLESIAE,|| QVINQVE LIBRIS|| explicata.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

IX. Sexta Classis ex operibus.

[urn:nbn:de:hbz:466:1-53845](https://nbn-resolving.de/urn:nbn:de:hbz:466:1-53845)

illud esse exemplum, seu factum Stephani, non testimonium Scripturæ. At exemplum est hominis, qui teste Scriptura, erat plenus fide & Spiritu sancto. Actorum 6. & 7. SECUNDО respondit, illud, Domine Iesu, esse inuocationem Patris; vult enim, vocem, Iesu, esse genitiui casus, ut sit sensus; Tu Pater, qui es Dominus Filij tui Iesu, accipe Spiritum meum.

At nunquam legimus alibi, Domine Iesu, in eo sensu, ita ut, Iesu, sit genitiui casus; Legimus autem Apocalypsis ultimo in casu vocandi, γαὶ ἐρχεται Ιησοῦς, etiam veni Domine Iesu. Præterea Act. 7. Stephanus viderat Iesum stantem à dextris Dei, quando ait, Domine Iesu, accipe Spiritum meum, igitur ipsum Iesum inuocauit. Respondet Franciscus David, illa verba Stephani: Ecce video cœlos aperitos, posse facere hunc sensum. Ego tam certò credo Iesum resurrexisse, & esse nunc in cœlo, ac si nunc aperto cœlo ipsum Iesum viderem. At Lucas dicit: Intendens in cœlum, vidit gloriam Dei, & Iesum stantem à dextris Dei, igitur verè vidit, & non solum ita credidit, ac si vidisset. Respondit TERTIO, illa verba, Domine Iesu, dirigi ad Patrem, quia etiam Patervo- cari potest Dominus Iesus, cum sit proprium Patris domi- nari, & saluare. At quæ est hæc temeritas nomen proptium Filij tribuere Patri? Nōnne hoc est confundere Patrem cum Filio more Sabellij?

CAPVT IX.

Sexta Clasis ex operibus.



VINQUE sunt opera Dei solius, Creatio, Conseruatio, Saluatio, Præcognitio occultorum, Patratio miraculorum.

PRIMVM opus Dei proptium est CREATI-
ONIS, Isaiae 44. Ego sum Dominus extendens cœlos solus, stabili-
si terram, & nullus tecum. Iob. 9. Qui extendit cœlos so-
lus. Vnde per hoc opus Deus vult distingui à non veris Diis, Psal. 95. Dij Gentium damnia, Dominus autem cœlos fecit,
Hier. 10. Dij qui cœlum & terram non fecerunt, pereant de
terra, & de sub cœlo. Si ergo probemus, Christum fecisse

cœlum & terram, probatum erit, ipsum esse unum rerum
Deum cum Patre. Habemus autem loca multa supra expli-
cata, nimirum Ioan. i. *Omnia per ipsum facta sunt.* Ibidem
Et mundus per ipsum factus est. Coloss. i. *Omnia per ipsum
creata sunt.* Hebr. i. *Et tu Domine initio terram fundisti
opera manuum tuarum sunt cœli.*

His addamus illud Proverb. 8. *Quando appendebat fa-
damenta terra, quando certa lege & gyro collabat abyssos,
quando aethera firmabat sursum, &c.* Cums eo eram manus
ponens. *Qui locus uero potest intelligi de Sapientia essentia,*
ut supra docuimus, quia illa non gignitur: hæc autem dicitur:
Ante omnes colles ego parturiebar: nec de Sapientia creata,
quia illa non fuit ante mundum. Nec potest dici, librum ad
esse canonicum, ut Transylvani dicunt, quia de hoc libro occi-
Iudæi, nec Christiani unquam dubitauerunt. Item loca. 5.
Quaecunque Pater facit, haec & Filius similiter facit. Sed Pater
creat quotidie animas hominum, qui nascuntur, & creauit
quondam cœlum & terram: Igitur etiam Filius creauit non
animas, & creauit olim viviuersum mundum.

Ad hoc argumentum diuersimodè respondent Samo-
teni & Ariani. SAMOTENI noui negant Christum esse
Creatorem, cum non fuerit ante Virginem Matrem: & qui
respondeant ad loca allegata, supra retulimus, & refu-
mus. VNM addo contra illos. Si Christus non creauit
cœlum & terram, aut non esse Deum, aut debere exterminari
de mundo. Nam Hier. 10. dicitur: *Dij quis calans &*
terram non fecerunt, pereant de terra & de cœlo. At Samo-
teni non negant Christum esse Deum, nec volunt enim
exterminandum esse, ergo admittere debet, eum esse Cri-
torem.

ARIANI veteres apud Augustinum lib. I. contra Mar-
tinum, & in sermone Arianorum, & Valentinus GENTILIUS
Arianismi renouator prothesi 24. respondent, solum Pa-
trem esse principalem auctorem cœli & terræ, Filium autem
ministrum fuisse Patris in creatione. TRANSYLVANI
quoque lib. 2. cap. 6. dicunt, Christum non esse Deum exter-
num, nec quidquam egisse in mundi creatione, tamen si do-
beret ei concedi aliquid, non posse plus concedi, quam vi
instrumentum fuerit Patris.

Argumentum

Argumentum præcipuum ipsorum, quo etiam utuntur Transylvani, est, quia in Scriptura semper dicitur, Pater per Filiū fecisse, & Patri tribuitur præpositio, Ex Filio præpositio, *P. R. i. Cor. 8. Vnus Deus Pater, ex quo omnia. Vnus Dominus I E S U S Christus, per quem omnia. Ioan. i. Omnia per ipsum facta sunt. Heb. i. Per quem fecit E& secula. Col. i. Omnia per ipsum creata sunt.* Addunt etiam Transylvani loco notato Concilium SYRMIENSE, quod tanquam Orthodoxum ab Hilario recipitur, & explicatur in libro de Syndis, nam can. 3. & rursum canone postremo Concilium illud afferit, Filium Dei Patri ministrasse in creatione mundi. Item addunt testimonia Irenæi lib. 3. cap. 8. & lib. 4. cap. 13. Tertulliani lib. de Trinit. Eusebij lib. 1. hist. cap. 1. & 2. & Lutheri, quem Dei nuncium vocant, in 1. cap. Genes. vbi Christum instrumentum Dei vocat,

Demonstrandum igitur nobis est, *Filiū Deum non ut instrumentum, sed ut principalem causam creasse mundum.* Ac PRIMVM id patet ex illo Hebræor. 1. *Et tu Domine initio terram fundasti, E& opera manuum tuarum sunt cœli.* Nam quod hoc nō intelligatur ministerialiter, probo ex eo, quod hoc idem dicit David de Deo Israël, quem aduersarij volunt esse Patrem, & quem certum est non fuisse instrumentum creationis. Præterea Paulus in isto capite confert Christum cum Angelis, & dicit hoc interesse, quod Angeli sint ministri, Christus non sit minister; sic enim ait: *Cui dixit aliquando Angelorum; Sede à dextris meis? nonne sunt omnes administratorij spiritus in ministerium missi?*

SECUNDО, probo ex Isaia cap. 48. nam is qui dicit: *E& nunc Dominus misit me, E& Spiritus eius, quem esse Filium ostendimus supra in prima Classe argumentorum; iste idem dicit: Propter me faciam, Et non blasphemem, E& gloriam meā alteri non dabo.* At qui operatur propter se, certè non est instrumentum.

TERTIO, ex Apocal. 1. vbi Filius vocatur α & ω , *principium E& finis, & Dominus omnipotens.* Nam si est principium & finis, ut sunt in alphabeto α & ω , certè est principium primum, & ultimus finis omnium rerum; proinde non est instrumentum; neutrum enim horum instrumento con-

uenit. Item, si est omnipotens, potest, ut auctor principis mundum creare, non ergo debuit alteri ministrare.

QUARTO, ratione demonstrativa per resolutionem: Pater creat per Filium, vel Pater solum iubet, & Filius solum facit; vel uterque facit, sed Pater ut causa prima, Filius ut causa secunda; vel uterque totum, ut causa prima, sed Pater suorum luntate, Filius a Patre iussus: non enim facile est assignare quoniam modum, quo potuerit Filius concurrere cum Patre in creationem, & tamen non aequaliter principaliter, ac Pater sed nullus eorum modorum cum veritate consentit, uterque quae mox dicemus, planum fiet, igitur Filius creator omnium aequaliter principalis, ac Pater.

ARIANI quidem aiebant: Patrem per sensibilia fecisse Filium omnia fecisse iussu Patris, eodem quod creaturae non capaces immediate actionis diuinæ; & quia indigni, summam illam Virtutem ad ista minima descendere, **CYRILLVS** refert lib. 5. thesauri, cap. 3.

At contraria. Nam Prover. 8. legimus etiam Patrem fecisse Quod præparabat cœlos aderam. Et Ioan. 5. Quacumque facit, hec est Filius similiter facit. Item: Pater mens operatur, & ego operor. Et de minimis, Matth. 10. Unus passus non calat in terram sine Patre vestro. Præterea nusquam legimus Patrem imperasse Filio: item legimus, Filium imperando fecisse. Baruch. 3. de illo, qui in terris visus est, & cum hominibus conuersatus est, dicitur: Qui emisit lumen, & datus fecit illud, & obedit ei cum tremore, stelle autem dederunt lumen in custodiis suis, vocata sunt, & dixerunt, adsumus, luxerunt ei in succunditate, qui fecit illas. Et Lucæ 8. Quis putas est hic, quia imperat ventis, & mari, & obediunt ei?

Nec ratio Arianorum valet, nam ut benè eam refellant **Athanasius** serm. 3. contra Arianos, & **Cyrillus** lib. 5. thesauri, cap. 2. & 3. aut Filius est Deus, aut creatura. Si Deus, ergo potuit, ipsorum opinione, create immediate, si creatura, ergo non potuit creari a Parre immediate, nisi forte velint Filium esse quid medium inter Deum & creaturam, quod sanè esse non potest. Nam vel est productus ex nihilo, vel ex re creata, vel ex ipsa Dei substantia. Si primum aut secundum, ergo est creatura. Si tertium, ergo est Deus, non ergo datur medium. habemus igitur, tam Patrem, quam Filium, ipsa

ipsa operatum esse in creatione mundi. Ac per hoc refutauimus primū illum modum, quem in argumēto posueramus.

Rursum, non potest illud dici, quod vterq; fecerit, sed Pater maiorem, Filius minorem partem; nam id pugnat cum Scriptura. Propter. 8. Cum eo eram cuncta componens. Et Ioan. 1. Omnia per ipsum facta sunt. Et Ioan. 5. Quaecunq; Pater facit, hac similiter & Filius facit, ergo & terque facit totum. Rursus, non potest illud dici, quod vterque totum fecerit, sed Pater sit agens principale, & Filius sit instrumentum. Nam vel habet Filius vim creandi in se, quomodo Sol habet vim illuminandi, licet sit Dei instrumentum; vel non haber, sed est similis umbræ Petri, aut cingulo Pauli, respectu miraculorum quæ per ea siebat. Si secundum, ergo Filius Dei nihil habet præ aliis creaturis.

Et præterea quid est, quod ait Paulus 1. Cor. 1. Christum esse Dei virtutem? Et Hebr. 1. Qui portat omnia Gerbo virtutis sua? Habet ergo in se virtutem faciendi quæ facit. At virtus creandi est virtus infinita; nec potest esse in instrumento, sed solùm in summo & infinito artifice. Quare omnes Patres numerant Basilidem, & alios quosdam inter hæreticos, quia dicebant mundum creatum per Angelos. Vide Irenæum lib. 1. cap. 22. Athanasium in serm. 3. contra Arianos. Augustinum lib. 12. ciuitat. Dei, cap. 24. & 25. Cyrillum 2. in Julianum, & Damascenum lib. 2. cap. 3. Est ergo Filius principalis Creator.

DICES, habet virtutem creandi, non tamen est principalis, quia Pater suo arbitratu agit, Filius alieno. CONTRA. nam Ioan. 5. Sicut Pater quos vult vniuersificat, ita & Filius quos vult vniuersificat. Item Spiritus sanctus liberè & sua volūtate agit, 1. Cor. 12. Diversit omnis prout vult: At Spiritus sanctus non est maior Filio, immò secundum aduersarios est minor: igitur & Filius liberè agit, & prout vult. Denique si Filius habet virtutem creandi, vel eandem numero quam Pater habet, vel diuersam. Si eandem, ergo sunt unus Creator, & unum est opus, una voluntas, una essentia utriusque. Si diuersam, ergo falsum est illud 1. Reg. 2. Non est fortis sicut Deus noster. Et illud Exod. 15. Quis similis tui in fortibus Domine? Nam inuenitur alius æquæ fortis, nimirum Christus.

Ad ARGUMENTVM de præpositione, Ex, & Per, Respondeo,
præpo-

præpositionem, Ex, sæpius tribui Patri; Per, Filio; In, Spiritu sancto, non quia una persona sit instrumentum alterius, sed ad denotandas eorum proprietates. Nam, ut docet *BASILIVS* libro de Spiritu sancto, cap. 4. Patri tribuitur, Ex, ad denotandum, quod ipse sit principium sine principio. Ex enim nota causa efficientis. Per, tribuitur Filio, quia Per, eti-
gnum causæ mediæ, & Filius est principium de principio habet enim à Patre, ut sit principium. Vnde dicitur Filius à Patre facere: *Cum generit*, inquit, *Spiritus*, quem mittam vobis à Patre. Quamquam posset etiam dici, particulam Per, tribui Filio, quia sapientia est propriatum Filii, & Deus per sapientiam & artem suam omnia creavit, ut *DAMASCUS* nvs lib. I. cap. 9 docet. Denique, In, significat continentia, & tribuitur Spiritui sancto, qui est nexus Patris & Filii. Tamen ne hæc diuersitas præpositionum fidei obesset, prouidit Deus dupliciter.

P R I M O, indicando hæc omnia conuenire eidem Deo. Nam dicitur Rom. ii. *O altitudo divitiarum, scientia & sapientia Dei, &c.* *Quoniam ex ipso, per ipsum, & in ipso sunt omnia.* Nam hæc omnia dicuntur de uno atque eodem Deo, qui patet ex eo, quod præcedit: *Scientia Dei, iudicia eius, sensus eius, &c.* Et ex eo quod sequitur: *Ipsi gloria in seculum.* Vel ergo dicuntur de solo Patre, & tunc patet, Per, non significare ministerium; quia tribuitur Patri, quem constat, nullum esse ministerium: Vel de solo Filio, aut solo Spiritu sancto; & tunc Filius & Spiritus sanctus non sunt ministri, quia tribui-
tur eis, Ex, quæ conuenit principali auctori, ut ipsi quoque fatentur: Vel dicuntur de omnibus simul, & tunc omnes simul sunt unus Deus. Ita monent Ambrosius lib. 4. de fide, cap. 6. Basilius de Spiritu sancto, cap. 5. & Augustinus lib. 2. de Trinitate, cap. 6.

S E C U N D O, prouidit miscendo has præpositiones; nam interdum, Per, tribuitur Patri, i. Corinth. i. *Fidelis Deus, per quem vocari estis in societatem Filii eius.* Galat. 4. *Quod si Filius, & hares per Deum.* Interdum Ex, & De, tribun-
tur Filio, ut Ioan. i. *De plenitudine eius omnes accepimus.* Colossi 2. *Ex quo totum corpus per iuncturas, &c.* Ioan. 16. *Ille de meo accipiet.* Monet etiam hoc Ambrosius & Basilius locis notatis.

Ad canonem Concilij Syrmensis, R E S P O N D E O cum Hilario ibidem, Filium dictum esse ministrum, non quod propriè sit inferior, aut subiectus, sed quia est à Patre. Ministravit enim non ut famulus domino, sed ut filius patri, inter quos licet non sit inæqualitas naturæ, aut dignitatis, est tamen in Patre auctoritas principij, quæ non est in Filio respectu Patris. est enim Filius à Patre, non contrà. Quod autem hoc non faciat propriam seruitutem, patet, quia alioqui omnes filii essent servi. Adde, quod nescio quantam auctoritatem habeat Concilium hoc Syrmense, videtur enim mihi magis toleratum, quam approbatum. Certe apud GRATIANVM dist. 16. & 20. vbi Concilia Catholica enumerantur, nulla sit mentio Syrmensis.

Ad IRENAEVM, Tertullianum, Eusebiū, & Lutherum idem respondeo, quamquam Tertulliani, & Eusebij in dogmatibus parua sit auctoritas; Lutheri autem nulla, omnes enim manifesti hæretici sunt, sed Tertullianus & Eusebius doctissimi fuerunt; Lutherus plus habet loquacitatis, quam solidæ doctrinæ.

ALTERVM opus Deo proprium, est C O N S E R V A T I O totius mundi, quæ est quasi quedam creatio, de quo Actor. 17. In ipso vivimus, mouemur, & sumus. At hoc idem conuenit Filio, Heb. 1. Qui portat omnia Verbo Virtutis sua. Et Col. 1. Omnia in ipso constant. hoc est (ut exponit rectè Chrysost.) omnium subsistētia pender à Filio Dei, ita ut si ab ipso conservetur, consistat; si minus, continuò intereat; igitur verus Deus est Filius.

TE R T I V M opus, est S A L V A T I O, Isaix 43. Ego sum Dominus, & nō est absq; me Saluator. Et cap. 45 Deus iustus & saluans non est prater me. Oseæ 13. Ego sum Dominus Deus, & Saluator non est prater me. At, quid magis cōuenit Christo, quam saluare? Matth. 1. Vocabis nomen eius IESVS, ipse enim saluum faciet populum suum. Nam nomen IESV Ιων, quod salutem significat, sumptum est. Ac ne dicas, eum salvare ministrando, audi Paulum Heb. 1. Qui portat omnia Verbo Virtutis sua, per se metipsum purgationem peccatorum faciens. Et si enim dicit apud Latinos illud, per se metipsum, est tamen in Græco δι' αὐτὸν, & ibidem confert Christum Paulus

Paulus cum Angelis, & illos seruos, Christum Dominum dicit. Item Isa. 35. Deus ipse, id est, per se, non per legatos, veniet, & saluabit nos. Item Apostoli se Christi ministros, non comministros, dicebant. 1 Cor. 4. Sic nos existimet homines ministros Christi, & in nomine eius baptizabant, reconciliabant, miracula faciebant, &c. vt se ministros Christi demonstrarent.

QVARTVM OPUS, PRAEDICTIO est futurom, & scrutatio cordium, Isa. 49. Annuntiate quae futura sunt, & sciemus quae dixeritis. 3 Reg. 8. Tu solus nosti omnia corda filiorum hominum. Hierem. 17. Praeum est cor hominis & inscrutabile, quicquid gnosceret illud? Ego Dominus scrutans corda, & probans renes. At, haec omnia Christo conueniunt, Ioan. 13. Hoc deinceps prorsusquam sit, vt cum factum fuerit credatu, quia ego scio. Et 1. Pet. 1. Scrutantes in quod, vel quale tempus significatur eis Spiritus Christi, pronuncians eas, qua in Christo sumus visiones, & posteriores glorias. Ioan. 2. Ipse scribat, quid est in homine. Et Apocal. 2. Et scient omnes Ecclesia, quia ego scrutans corda, & probans renes.

DICES, etiam Prophetas praedixisse futura, & prauidile cordium cogitationes, vt de Elisaeo patet. AT contra nam Paulus ad Hebr. 3. confert Christum cum Mose summum Prophetatum, & dicit Mosen famulum, Christum Dominum esse. Item Christus loquitur eodem modo, quo summus Deus, quo modo nullus Prophetarum loqui auderet. Quis enim inquam ait: Ego sum scrutans renes & corda, nisi Deus unus & summus? Denique si Spiritus Christi illustravit omnes Prophetas, 1. Pet. 1. Quomodo ipse Christus non alitionando, quam Prophetae, occulta nouit?

QVINTVM OPUS, est PATRATIO miraculorum, Psalm. 71. Qui facit mirabilia solus. Et Psalm. 85. Faciens miracula tua ex Deus solus. Et Psalm. 135. Qui facit miracula magna facta. Quod tamen intelligitur, propria auctoritate, alioquin etiam sancti Apostoli & Prophetarum miracula fecerunt, sed per interventionem Dei, vt hoc loco notat Hilarius. At Christus miracula propria auctoritate faciebat, vt patet, tum quia impetrabat, Marc. 4. Dixit mari, tace, obmutescere. Et cap. 4. Surde & muta spiritus, ego praecepio tibi, exi ab eo. Tum quia sola voluntate etiam absens curabat, vt patet de pueru Centuno-

nis, Matth. 8, & de filio Reguli, Ioan. 4. Tum denique, quia ut
verus Dominus totius naturae, concessit etiam aliis potesta-
tem faciendi miracula, Matth. 10. & ad eius inuocationem
Apostoli miracula faciebant, ut patet ex illo Act. 3. *In nomine
Iesu Christi Nazareni surge, et ambula.*

CAPVT X.

Septima Classis ex Patribus.

X PATRVM doctrina probanda est veritas Cat-
holica, nam eis aduersarij patrum aut nihil tri-
buant Patribus; tamen Patres, qui ante Concili-
um Nicænum fuerunt, suos putat, ut Ignatium,
Iustinum, Irenæum, Tertullianum, Cyprianum. Alios etsi
contrarios sibi esse fateantur, tamen testimonia Hilarij,
Chrysostomi, Ambrosij, Cyrilli, Hieronymi, & Augustini ci-
tant contra nos, ut ostendant Patres varios fuisse, & sibi ipsos
contradixisse, coactos evidentia veritatis ac breuiter cona-
tur enarrare nostrum argumentum ex consensu Patrum, o-
mnium etatum. Nos ergo producemos testes consentientes
omnium etatum, & maximè ante Nicænum Concilium.

PRIMAE AETATIS, quæ extenditur usque ad annum
centesimum Domini, habemus Clementem, Ignatium, Dio-
nysum, Martialem. Primus prodeat CLEMENS, qui lib. 8.
constit. cap. 16. dicit, Patrem sine medio genuisse Filium an-
te omnia, quod est dicere; Filium non esse factum, sed natu-
raliter & necessariò produisse ex Patre. Nam ut docet Basilius lib. 4. in Eudom. Nihil factum, est immediatum opus
artificis, quia mediat operatio, & inter Deum & creaturas
mediat voluntas creandi: nec enim posito Deo, immediatè
ponitur creatura: at posito Deo, immediatè ponitur Ver-
bum eius. Item cap. 17. postquam recitauerat illud, Sanctus,
Sanctus, Sanctus, subiungit explicans: *Sanctus Deus Pater,*
Sanctus Filius, &c. Et cap. 18. in fine. dicit Deo: *Tibi omnia*
gloria, & honor, & adoratio Patris, Filii, & Spiritus sancto, &
nunc, & semper, & in secula seculorum. Similem locum
huic profert ex isto Clemente Basilius libro de Spiritu san-
cto, cap. 29.

Iam